



欽定皇輿西域圖志

ル 5  
104  
19

先





欽定皇輿西域圖志卷之三十二

支那錢所  
有

屯政一

哈密

塔爾納沁  
牛毛湖

蔡巴什湖

鎮西府

朴城子  
木壘奇臺

古城庫  
吉布庫

迪化州

五堡斯  
瑪納斯

昌吉  
濟木薩羅克倫

庫爾喀喇烏蘇

晶河

塔爾巴噶台

伊犁





屯政

欽定皇輿西或圖志



以降。間或行之內地。亦旋興旋罷。立制鮮籌盡善。我。

皇上耆定西陲。關門以西。蔥嶺以東。版章式廓。於滌瑕蕩穢之餘。圖生養安全之計。

聖天子仁宏亭育。智燭遐荒。爲之授田里。謀保聚。殫宥密於巖廓咨儆之間。而人人自得於流沙萬里之外。固非舊隸版籍之哈密鎮西府屬所能限已。

爰於準部自今迪化州至伊犁。回部自闢展至哈喇沙爾。擇其地之近泉源傍河濱者。翦萊塢

土以布物宜。且劑其歲收之數。自給官兵廩糈外。儲贏餘以資增墾。先後屯種。大著成效。由是山北推之晶河。庫爾喀喇烏蘇。塔爾巴噶台諸境。山南推之烏什。阿克蘇諸城。調派武職以專其成。特置重臣以董其事。良法美意。曠古罕聞。竊謂西域屯政之善。實有所以超漢軼唐者。如充國虞詡之策。重華李降之謀。意在籌軍實。謹邊防耳。今則各部臣民。願編郡縣。銷戈戟。鑄農器。以蒐獮之剩卒。爲耕墾之上農。餉不空糜。地



無遺利。康阜鴻休。垂諸無極。況昔之屯田。或給耒耜。或假耕牛。非仰給於官。卽抑配於民。經費甚鉅。今則且耕且駐。無俟招集流亡。在兵在民。不必官支農具。史書俵牛括牛之弊。種種俱絕。不惟腹地不資轉運。而給饟之羨。陳陳相因。減費更廣。無他。漢唐之屯政。專爲養兵。而未能兵民並濟。漢唐之屯政。專爲供戰。而未能戰守兼宜。乃者程功簡而收利溥。沙磧之區。絕無棄地。瀉鹵之土。盡變膏腴。甚至移郊寄棘之徒。從事

耕耘。並以贖嘗餉口。荒裔悉成樂土。自昔服疇力穡之化。有被及無外如

今日者哉。爰舉新疆屯田經制。現在處所。按地詳載。而歲入之額。戶口之籍。皆附之。志屯政第十。



按安西州爲靖逆赤金柳溝安西沙州五衛

欽定皇輿西域圖志卷之三十二

屯政一

按安西州爲靖逆赤金柳溝安西沙州五衛地舊屬軍民屯種之所自

本朝裁衛改設府縣後地畝久經定額陞科惟瓜

州踏實小灣三堡舊居土爾番回人乾隆二

十一年移歸土爾番所遺地畝招佃承種每

戶地三十畝官給籽種牛具秋成後扣存籽

種外以什之四輸官至二十五年亦經定額



陞科編入民賦。故茲編所載。斷自哈密屬始。

哈密。

塔爾納沁。

屯田七千三十畝。乾隆二十四年置五千六

百七十畝。二十五年增五百畝。二十七年減

一百七十畝。三十二年增一千三十畝。如今

額。

管屯都司。把總外委各員。於哈密協標屬營內

派撥。無定額。

屯兵一百七十名。乾隆二十四年設屯兵二

百名。二十七年裁三十名。如今額。

遣犯。乾隆二十七年派一百三十名。現無增

減。

按塔爾納沁屯田。於乾隆二十一年。由總督

黃廷桂奏請。於黃墩營撥兵二百名。試墾。二

十三年。益以哈密卡倫兵二百名。試墾。均有

成效。於二十四年。開屯設兵爲定制。

土宜。小麥。胡麻。菜子。糜。青稞。



收穫 乾隆二十四年收穫九分二釐。二十五年收穫九分八釐。二十六年收穫十分。二十七年收穫八分。二十八年收穫六分八釐。二十九年收穫十分三釐。三十年收穫十分六釐。三十一年收穫六分二釐。三十二年收穫七分二釐。三十三年收穫六分八釐。三十四年收穫七分二釐。三十五年收穫七分。三十六年收穫七分三釐。三十七年收穫七分五釐。三十八年收穫七分五釐。三十九年收穫

七分七釐。四十年收穫八分一釐。四十一年收穫七分九釐。四十二年收穫八分一釐。土按收穫分數。或以籽粒計。或以畝計。惟是籽粒土宜不一。布種多寡。復以地殊。積算參差。難於合會。茲載收穫分數。概以畝計。每畝以斗起分。以畝收一石爲十分。合各種土宜。統計成分。庶編紀畫一。覽若列眉。而歲入糧儲之實數。亦緣是可考見云。

蔡巴什湖。



屯田四千六十五畝。乾隆二十七年置三千畝。三十三年增一千六十五畝。如今額。

管屯把總外委各員。於哈密協標屬營內派撥。

無定額。

屯兵一百名。乾隆二十七年設。

遣犯。乾隆二十七年派五十名。

土宜小麥。穀。糜。

收穫。乾隆二十七年收穫六分。二十八年收穫七分二釐。二十九年收穫七分四釐。三十

年收穫八分四釐。三十一年收穫十一分二釐。三十二年收穫九分六釐。三十三年收穫九分三釐。三十四年收穫九分八釐。三十五年收穫九分六釐。三十六年收穫九分六釐。三十七年收穫九分八釐。三十八年收穫九分八釐。三十九年收穫九分五釐。四十年收穫九分八釐。四十一年收穫八分八釐。四十二年收穫八分九釐。

牛毛湖。



屯田二百五十畝。乾隆三十二年置。

管屯把總一員。

係蔡巴什湖把總兼轄

屯兵十名。乾隆三十二年設。

土宜小麥豌豆。

收穫。乾隆三十二年收穫六分一釐。三十三年收穫八分一釐。三十四年收穫九分七釐。三十五年收穫九分七釐。三十六年收穫九分八釐。三十七年收穫九分八釐。三十八年收穫九分八釐。三十九年收穫九分七釐。四

十年收穫九分五釐。四十一年收穫九分八釐。四十二年收穫九分六釐。

按牛毛湖屯田。於乾隆三十一年。初由蔡巴什湖管屯把總姚成仁私墾成熟。查出入官。嗣後照例撥兵屯種。

〔後漢書西域傳〕永平十六年取伊吾盧地。置宜禾都尉以屯田。建初二年罷屯田伊吾。元初六年遣行長史索班將千餘人屯伊吾。永建六年帝以伊吾舊膏腴之地。傍近西域。匈奴資之以



為鈔暴復令開設屯田如永元時事

按哈密在漢時為伊吾盧地自明帝迄順帝其屯田興廢之蹟有可考者地宜五穀桑麻香棗蒲萄準諸禹貢厥田上上故漢帝置田官於此以控制西域焉元并天下兼有西陲甘肅瓜沙以西皆置屯田與塔爾納沁相近明初封元裔忠順王于此頗修軍屯至嘉靖間委之於土爾番於是乎關門不啟敦煌以西名臯沃野俱置之度外矣不隸

聖朝疆索安能睹原隰龍鱗之盛歟

鎮西府即巴爾庫勒

朴城子屬宜禾縣

屯田一萬八千七百畝 乾隆二十三年置二萬九百畝二十五年增一百畝二十六年增一千畝二十七年裁七千七百畝三十一年增二千二百畝三十二年增二千二百畝如今額

管屯遊擊千總把總外委各員於巴爾庫勒鎮



標屬營內派撥。無定額。

屯兵五百名。乾隆二十三年設一千名。二十七年裁六百名。三十一年增一百名。如今額遣犯。乾隆二十七年派二百五十名。三十二年增一名。現三百五十名。

土宜。小麥。豌豆。青稞。

收穫。乾隆二十三年收穫五分七釐八毫。二十四年收穫六分九釐九毫。二十五年收穫六分八釐七毫。二十六年收穫六分七釐二

十七年收穫四分七釐。二十八年收穫五分一釐。二十九年收穫七分。三十年收穫七分六釐。三十一年收穫八分三毫。三十二年收穫八分五釐。三十三年收穫八分二釐五毫。三十四年收穫八分二釐七毫。三十五年收穫八分二釐九毫。三十六年收穫九分。三十七年收穫八分五毫。三十八年收穫八分。三十九年收穫八分五釐。四十年收穫八分五釐。四十一年收穫七分一釐。四十二年收穫



七分三釐。

按乾隆二十三年。於鎮西府屬之朴城子。及奎蘇二處。開設兩屯。調派甘州。涼州。西寧。肅州。寧夏。固原。河州。七提鎮營官兵一千名。統以副將遊擊守備諸員。經理屯務。至三十六年十月。將前派官兵撤回。並裁減奎蘇一屯。別派巴爾庫勒鎮標遊擊各員管理。如今制。

古城。

屬奇臺縣。

屯田一萬二千一百畝。乾隆三十七年置八

千畝。三十八年增四千一百畝。如今額。

管屯遊擊千總把總各員。係古城本營專轄。

屯兵五百五十名。乾隆三十七年設四百名。

三十八年增一百五十名。如今額。

土宜。小麥。豌豆。

收穫。乾隆三十七年收穫十三分九釐。三十八年收穫十四分。三十九年收穫十三分九釐。四十年收穫十三分六釐。四十一年收穫十二分一釐。四十二年收穫十二分三釐。



木壘奇臺。屬奇臺縣。

屯田一萬畝。乾隆三十一年置二千二百四十畝。三十二年增七千七百六十畝。如今額。管屯守備千總把總各員。於巴爾庫勒鎮標屬管內派撥。無定額。

屯兵五百名。乾隆三十一年設二百名。三十二年增三百名。如今額。

土宜。小麥。青稞。

收穫。隆乾三十一年收穫九分二釐。三十二

年收穫二十三分。三十三年收穫十二分七釐。三十四年收穫二十四分二釐。

按乾隆三十一年屯木壘。兼東濟爾瑪台。三十二年屯奇臺。兼西濟爾瑪台。三十三年屯奇臺。兼吉布庫。三十四年屯奇臺。木壘兼東格根。畧仿古一易再易之法。至三十五年後。專於吉布庫開屯。而統於古城營遊擊總理。其木壘奇臺等處屯田遺地。均給民戶耕種。

詳貢  
賦門



吉布庫。

屯田三千三百畝。乾隆三十五年置三千畝。三十八年增三百畝。如今額。

管屯都司守備千總把總各員。於巴爾庫勒鎮標屬營內派撥。無定額。

屯兵一百五十名。乾隆三十五年設。

土宜。小麥。豌豆。

收穫。乾隆三十五年收穫十三分。三十六年收穫十三分九釐。三十七年收穫十四分。三

十八年收穫十四分。三十九年收穫十三分九釐。四十年收穫十三分六釐。四十一年收穫十二分一釐。四十二年收穫十二分三釐。

迪化州。

即烏魯木齊。

五堡。

屬州。

昌吉羅克倫。

屬昌吉縣。

屯田六萬五千三百四十八畝。乾隆二十五年置八萬七千一百七十四畝。二十六年增一百六十三畝。二十七年裁四萬六百畝。二十八年增二萬二千三百十九畝。二十九年



增六千一百三十二畝。三十年增二千一百三十畝。三十一年增一萬九千八百二十畝。三十二年裁一萬五千六百七十一畝。三十三年增二萬三千四百七十五畝。三十四年裁五千三百五十八畝。三十五年裁八百九十六畝。三十六年裁三萬三千八百八十八畝。三十七年裁四百七十四畝。三十八年增五千三百七十三畝。三十九年增二千八百四十四畝。四十年裁七千一百八十三畝。如

今額。

管屯副將。叅將遊擊。都司守備。千總。把總。外委各員。於烏魯木齊提標屬營內派撥。無定額。屯兵三千一百九十五名。乾隆二十五年設四千三百七十四名。二十六年裁三百十八名。三十七年裁一千一百七十名。二十八年增五百四十五名。二十九年增一百名。三十年裁二百名。三十二年增二百四十九名。三十三年增一千五十一名。三十六年裁一千



名。三十七年裁四百二十名。三十八年增六百五十九名。三十九年裁四十四名。如今額遣犯。乾隆二十七年派二十八名。二十八年增一百八十五名。二十九年增一百二十三名。三十年增一百九十九名。三十一年增六百八十四名。三十二年增四百二十七名。三十三年增一百一名。三十四年裁三百六十七名。三十五年裁一百四十七名。三十六年裁一千七十四名。三十七年增十五名。三十

八年裁二十五名。三十九年裁六十一名。四十年增三名。現八十一名。

土宜小麥。粟。穀。胡麻。青稞。

收穫。乾隆二十五年收穫九分三釐。二十六年收穫八分三釐。二十七年歉收止二分四釐。二十八年收穫十分。二十九年收穫九分三釐。三十年收穫八分。三十一年收穫七分九釐五毫。三十二年收穫七分八釐。三十三年收穫八分。三十四年收穫八分五釐。三十



五年收穫八分四釐三毫。三十六年收穫七分二釐。三十七年收穫五分一釐。三十八年收穫六分八釐。三十九年收穫六分八釐。四十年收穫九分七釐。四十一年收穫九分九釐。四十二年收穫九分三釐。

按烏魯木齊之五堡。於乾隆二十三年屯兵八百名。試墾地八千畝。收穫糧三千五百四十二石五斗。二十四年屯兵九百八十名。試墾萬六千五百七十二畝。收穫糧一萬零九

十五石有奇。當試墾之初。猶未及昌吉羅克倫諸處也。至二十五年次第興舉。始爲定制云。

瑪納斯。

屬綏來縣。

屯田二萬八千二百畝。乾隆二十七年置一千七百畝。二十八年增一千九百畝。三十一年增二百四十畝。三十二年增四千五百四十八畝。三十三年裁六百二十畝。三十四年增一萬九千四十四畝。三十五年裁五千五



百五十六畝。三十六年增一萬二千九百三十六畝。三十七年裁一萬五千七百四十八畝。三十八年舊屯增三千一百一十六畝。又設新屯田一萬三千二百畝。三十九年新屯增一千四百四十畝。共新舊屯田二萬八千二百畝。如今額。

管屯遊擊都司守備千總把總外委各員由陝西甘肅調撥。無定額。

屯兵一千四百名。乾隆二十七年設一百八

十名。三十二年增一百八十名。三十三年裁四十名。三十四年增五百四十名。三十五年裁三百十五名。三十六年增六百三十名。三十七年減七百五十八名。三十八年舊屯增一百六十名。設新屯兵六百六十名。三十九年增新屯兵一百六十三名。共新舊屯兵一千四百名。如今額。

遣犯。乾隆三十一年派二十名。三十二年增七十名。三十三年增十五名。三十四年增十



二名。三十五年增六十二名。三十六年增二十八名。三十七年裁四十九名。三十八年裁七十六名。三十九年裁四十名。四十年裁十九名。

土宜。青稞。小麥。粟。穀。

收穫。乾隆二十七年收穫十三分。二十八年收穫十分一釐。二十九年收穫十一分九釐。三十年收穫九分九釐。三十一年收穫九分八釐。三十二年收穫十分一釐。三十三年收

穫八分五釐。三十四年收穫十一分五釐。三十五年收穫十分六釐。三十六年收穫六分一釐。三十七年收穫七分。三十八年收穫五分四釐。三十九年歉收止二分七釐。四十年收穫十四分。四十一年收穫八分六釐。四十二年收穫八分四釐。

濟木薩。

屬阜康縣。

屯田一萬五千一百畝。乾隆三十三年置二萬畝。三十六年裁一千畝。三十七年裁二千



八百八十畝。三十八年裁一千畝。三十九年裁二十畝。如今額。

管屯叅將遊擊守備千總把總外委各員。於陝西甘肅省調撥。無定額。

屯兵七百五十五名。隆乾三十三年設一千名。三十六年裁五十名。三十七年裁一百四十四名。三十八年裁五十名。三十九年裁一名。如今額。

土宜。青稞。穀粟。小麥。

收穫。乾隆三十三年收穫九分九釐。三十四年收穫九分七釐。三十五年收穫九分七毫。三十六年收穫六分八釐。三十七年收穫八分六釐。三十八年收穫八分四釐。三十九年收穫十四分。四十年收穫十三分。四十一年收穫十二分。四十二年收穫十二分三釐。

〔後漢書耿恭傳〕永平十七年。以恭爲戊己校尉。屯後王部金蒲城。〔西域傳〕永興元年。車師後部王阿羅多。與戊部候嚴皓不相得。攻圍漢屯田。



且固城。

按迪化州屬東阜康縣。西昌吉綏來縣。皆南倚天山。山泉北流。匯爲長河。其最著者曰烏魯木齊河。特納格爾河。濟木薩河。呼圖克拜河。瑪納斯河。昌吉河。羅克倫河。分流浸潤。膏澤土田。一州三縣地。咸資灌溉。更以從古遊牧之區。糞種得諸自然。是以歲收倍稔也。迪化州境。卽烏魯木齊。於漢爲蒲類國地。唐爲北庭都護府之後庭縣。其東境博什奇勒克

城。爲漢車師後部之金滿城。卽唐金滿縣地。本毗接。後漢耿恭屯田金蒲。卽金滿。爲今烏魯木齊。昌吉。羅克倫一帶膏腴之壤。至西域傳所載。且固城雖不可考。然考後漢時戊部候。固居車師後部者。是以車師後王得而攻之。則其地亦當與今烏魯木齊爲近。

庫爾喀喇烏蘇。

屯田三千六百三十六畝。乾隆二十七年置五千四百畝。三十年裁一千八百畝。三十一



欽定皇朝通志 卷三十一  
年增二百二十八畝。三十二年增一千二十畝。三十三年增十二畝。三十四年裁九十六畝。三十五年裁九十六畝。三十六年裁六百三十六畝。三十七年裁二百五十二畝。三十八年增七十二畝。三十九年裁一百四十四畝。四十年裁七十二畝。如今額。

管屯都司守備千總把總外委各員由陝西甘肅省調撥無定額。

屯兵一百八十名。乾隆二十七年設二百七

十名。三十年裁九十名。如今額。

遣犯。乾隆三十一年派十九名。三十二年增八十五名。三十三年增一名。三十四年減八名。三十五年減十二名。三十六年減五十三名。三十七年減二十七名。三十八年增一十二名。三十九年減十二名。四十年減九名。現三名。

土宜小麥粟穀青稞。

收穫。乾隆二十七年收穫八分九釐。二十八



年收穫九分九釐。二十九年收穫八分七釐。  
三十年收穫八分三釐。三十一年收穫八分  
六釐。三十二年收穫八分二釐。三十三年收  
穫八分七釐。三十四年收穫八分七釐。三十  
五年收穫十分三釐。三十六年收穫七分三  
十七年收穫六分五釐。三十八年收穫六分  
五釐。三十九年收穫九分八釐。四十年收穫  
十一分九釐。四十一年收穫十一分一釐。四  
十二年收穫八分二釐。

晶河。

屯田三千三百六十畝。乾隆二十七年置四  
千五十畝。二十八年增一千三百五十畝。三  
十年裁一千八百畝。三十一年增一百九十  
二畝。三十二年增一千四十四畝。三十三年  
裁八十四畝。三十四年增六百四十八畝。三  
十五年裁八百十六畝。三十六年裁六百三  
十六畝。三十七年裁一百六十八畝。三十八  
年裁一百九十二畝。三十九年裁一百八十



畝。四十年裁四十八畝。如今額。

管屯都司千總把總各員由陝西甘肅省調撥。

無定額。

屯兵一百六十八名。乾隆二十七年設二百

七十名。三十年裁九十名。三十七年裁六名。

三十八年裁六名。如今額。

遣犯。乾隆三十一年派十六名。三十二年增

八十七名。三十三年減七名。三十四年減十

二名。三十五年減二名。三十六年減五十三

名。三十七年減四名。三十八年減六名。三十  
九年減二名。四十年減四名。無存。

土宜。小麥。青稞。粟。穀。

收穫。乾隆二十七年收穫十一分。二十八年

收穫十分六釐。二十九年收穫九分八釐。三

十年收穫八分八釐。三十一年收穫七分五

釐。三十二年收穫七分二釐。三十三年收穫

七分。三十四年收穫七分五釐。三十五年收

穫十分九釐。三十六年收穫七分二釐。三十



七年收穫六分二釐。三十八年收穫六分一釐。三十九年收穫八分七釐。四十年收穫十二分六釐。四十一年收穫十分一釐。四十二年收穫八分六釐。

塔爾巴噶台。

屯田一萬七千畝。乾隆三十年置一萬八百畝。三十四年增七千二百畝。三十六年裁七千二百畝。三十八年增四千三百二十畝。三十九年增二千八百八十畝。四十年裁一千

畝。如今額。

管屯遊擊守備千總把總外委各員由陝西甘肅省調派。無定額。

屯兵八百五十名。乾隆三十年設五百四十名。三十四年增三百六十名。三十六年裁三百六十名。三十八年增二百十六名。三十九年增一百四十四名。四十年裁五十名。如今額。

土宜。小麥。胡麻。青稞。



收穫。乾隆三十年收穫七分八釐。三十一年收穫七分六釐。三十二年收穫十一分八釐。三十三年收穫十四分五釐。三十四年收穫十五分七釐。三十五年收穫十六分。三十六年收穫十一分一釐。三十七年收穫十五分。三十八年收穫十三分八釐。三十九年收穫十三分一釐。四十年收穫十四分。四十一年收穫十二分八釐。四十二年收穫八分一釐。

伊犁。

屯田五萬五百八十八畝。乾隆二十六年置一萬六千畝。二十七年增四千畝。二十九年增一百八畝。三十年增三十二畝。三十二年增一萬二十四畝。三十三年增六千四十八畝。三十四年增七十二畝。三十五年增六千七十二畝。三十六年增八千一百二十畝。三十七年增六百畝。三十八年裁一千四百八十八畝。三十九年增三十六畝。四十年增三十六畝。如今額。



總理屯務總兵。及管屯叅將。遊擊。都司。守備。千總。把總。外委各員。由陝西甘肅省調派。無定額。

屯兵二千五百名。乾隆二十六年設八百名。二十七年增二百名。三十二年增五百名。三十三年增三百名。三十五年增四百名。三十六年增四百名。三十八年裁一百名。如今額。遣犯。乾隆二十九年派九名。三十年增三名。三十二年增二名。三十五年增四名。三十四

年增六名。三十五年增六名。三十六年增十名。三十七年增二名。三十八年增一名。三十九年增三名。四十年增三名。現四十九名。土宜。大麥。小麥。糜。穀。青稞。

收穫。乾隆二十六年收穫十六分五釐。二十七年收穫十四分三釐。二十八年收穫十七分六釐。二十九年收穫十七分五釐。三十年收穫十九分四釐。三十一年收穫十二分。三十二年收穫十八分三釐。三十三年收穫十



八分八釐。三十四年收穫十六分。三十五年收穫十八分六釐。三十六年收穫十八分七釐。三十七年收穫十七分。三十八年收穫十七分二釐。三十九年收穫十七分二釐。四十年收穫十六分二釐。四十一年收穫十五分八釐。四十二年收穫十六分一釐。

按伊犁東南北三面負山。地勢平廣。土膏饒厚。地有三河。一空格斯河。出納拉特嶺之北。西北行。一哈什河。出哈喇古顏山。西南行。一

聖時

特刻斯河。出汗騰格里山。東北行。各三百餘里。匯爲伊犁河。經流其地。西北入海。支渠數十道。分溉民田。地氣和暖。爲山北沃壤。乾隆二十五年。令阿克蘇回人三百名攜帶籽種。偕同綠營官兵。如法試種。計種黍米籽種九十石五斗。得收穫黍米千一百三十三石有奇。種粟米籽種二百一十一石。得收穫粟米二千六百二十二石。爰於二十六年開屯設兵爲定制。其回民受田之戶。論籽種。不計頃



畝。每戶各種二麥一石。穀黍五斗。二麥收穫約二十分有奇。黍穀收穫約四十分有奇。定以歲輸十六石爲額。餘則聽收以資養贍。與世業無異云。

又按伊犁之地。前代設屯。史傳無明文。漢書稱其地莽平多松櫟。又言其俗不田作。種樹隨畜逐水草。與匈奴同。非土田礲确。不可樹藝。亦其人之不務農業。自遺地利耳。茲幸入聖朝幅宇。荷鍤如雲。土地日闢。時和歲稔。稼黍盈

餘。十數年以來。休養生息。民庶物阜。烏孫故壤。始熙熙然成大都會矣。



欽定皇輿西域圖志卷之三十三

欽定皇輿西域圖志卷之三十三目錄

屯政二

闢展

哈喇和卓

托克三

哈喇沙爾

烏什

阿克蘇

戶口附



屯政二

欽定皇輿西域圖志卷之三十三

屯政二

市按山南回部舊地。自闢展以西。武功耆定後。於乾隆二十二年。始事耕屯。經駐防闢展大營臣定長等進麥萬穗。宸翰親裁。以著綏豐之盛。嗣是年和人樂。以回民之夙習農務。較準俗惟資畜牧者。尤宜且稱。而伊古車師輪臺渠犁之遺蹟。亦緣是可考証云。



關展。

屯田一萬三千六百三十三畝。乾隆二十四年置一萬七百五畝。二十五年增二千九百二十八畝。

管屯都司守備千總把總各員。由陝西甘肅省調派。無定額。

屯兵八百名。乾隆二十四年設。土宜。麥。青稞。豌豆。粟。穀。

收穫。乾隆二十四年收穫六分五釐。二十五

年收穫十五分九釐。

哈喇和卓。

屯田六千畝。乾隆二十四年置四千五百畝。管二十五年增一千五百畝。

管屯遊擊及千總把總各員。由陝西甘肅省調派。無定額。

屯兵三百名。乾隆二十四年設。

土宜。小麥。青稞。粟。穀。

收穫。乾隆二十四年收穫五分五釐。二十五



年收穫九分二釐。

托克三。

屯田一萬四千二百五十三畝。乾隆二十四年置一萬一千八十二畝。二十五年增三千一百七十一畝。

管屯叅將守備千總把總各員由陝西甘肅省調派。無定額。

屯兵一千名。乾隆二十四年設。

土宜。小麥。豌豆。粟。穀。

收穫。乾隆二十四年收穫四分一釐。二十五年收穫七分五釐。

按闢展南臨沙山。北距大山一百里。秋冬山間積雪。入夏消融。流注南麓。滲於沙土。離闢展城五六里許。復出地上。是爲泉源。泉眼星羅碁錯。約十數處。去城里許。匯合成渠。名闢展郭勒。屈曲而南。地勢就平。渠流散漫。凡近渠之地。咸引水灌溉。其高阜則水所不到。專資雨澤也。哈喇和卓。水源出北山下。經由沙



正定縣志 卷三十三  
磧漫衍而南。出金嶺口。匯爲大渠。入哈喇和卓郭勒。分道諸堡。田畝資其灌溉。托克三。水凡二道。一發源於東面大山之麓。湍泉漫流沙磧間。經一百五十餘里。匯入河流。一發源於烏魯木齊之東山。積雪所融。流注南行。離城二十里許。與泉水合。爲托克三郭勒。藉溉田畝。於乾隆二十二年。試墾地六千五百五十畝。二十三年。增墾地一萬一千一百五十畝。二十四年。設兵開屯如制。嗣於乾隆二十

六七兩年。經辦事大臣次第奏請。給與土爾

番回民爲世業。歲納額租。

詳貢賦門

御製駐防關展屯田大臣定長等奏進所穫麥萬穗

詩以紀事

庚辰

載戢西瀛已定功。戍耕伊始慶綏豐。夏收萬穗先來進。秋熟千屯預報芄。實粟惟堪嘗以彘。旣安那更役如熊。開疆逾遠心隨遠。總爲祈年宵旰中。

按關展在漢屬狐胡國地。與車師隣接。前代設屯與否。史無明文。今以地位考之。狐胡與



漢車師。柳中地接。當漢屯田車師。後漢屯田柳中時。必兼舉之矣。或謂東漢時歸義建威二十七所屯田。在伊吾之西。伊吾爲今哈密。如其說則當與闐展相近。今詳考之。歸義諸屯。當在漢西海廢郡居延故城。元爲額齊訥。舊作亦集路。至元間額齊訥總管呼嚕圖言乃今改正。所部有田可以耕作。乞以新軍三百人。鑿哈濟渠於額齊訥地。並以傍近民西僧餘戶助其力。從之。計屯田九十餘頃。即等處也。明屬陝西行都司。今在甘州之北。哈密之東。而云在伊吾西者非也。

漢書西域傳。昭帝時。匈奴使四千騎田車師。宣帝遣五將將兵擊匈奴。車師田者驚去。地節二年。漢遣侍郎鄭吉。校尉司馬憲。將免刑罪人田渠犁積穀。吉奏事至甘泉。有詔還田渠犁。及車師。益積穀以安西國。於是吉始使吏卒三百人別田車師。單于大臣皆曰。車師地肥美。漢得之多田積穀。必害人國。不可不爭也。果遣騎來擊田者。吉迺與校尉盡將渠犁田士千五百人往田。上書言願益田卒。公卿議以爲道遠煩費。可



且罷車師田者。其後置戍己校尉屯田。居車師故地。

後漢書耿恭傳。謁者關寵爲戍己校尉。屯前王柳中。西域傳。延光二年。以班勇長史將弛刑土五百人。西屯柳中。

按哈喇和卓。托克三。今屬闐展。在漢爲車師前王地。其屯田積穀。與匈奴爭逐之蹟。有可考者。漢書稱其地肥美。可以多田而積穀。後漢班勇西屯柳中。卽今魯克察克。在昔爲車

師國地東境也。又今闐展屬境。於北魏爲高昌。北史言高昌厥土良沃。穀麥一歲再熟。由今核之。似與昔殊。蓋緣沙磧之壤。以雪爲水源。肥饒饒瘠。視水勢之盈涸。靡有定則也。又按宋王延德高昌行紀云。其地產五穀。惟無蕎麥。有水出金嶺。導之周繞國城。以溉田園。作水磴。今授回民爲世業。以耕以藝。古法具在。多田積穀。惟勤則不匱耳。

哈喇沙爾。



屯田七千四百四十畝。乾隆二十三年置四千一百四十五畝。二十四年增五千五百三十五畝。二十五年增三十二畝。二十八年裁一千九百八十八畝。二十七年裁二千五百十畝。二十八年增一千十一畝。二十九年增八百十畝。三十三年增一千五畝。三十五年裁一千畝。三十八年增四百畝。如今額。管屯叅將遊擊都司守備千總把總各員。於陝西甘肅省調派。無定額。

屯兵三百六十二名。乾隆二十三年設二百七名。二十四年增二百七十七名。二十五年增一名。二十六年裁一百四十四名。二十七年增五十六名。二十八年裁五十四名。二十九年增九名。三十二年增四十名。三十五年裁五十名。三十八年增二十名。如今額。土宜。粟。穀。小麥。青稞。

收穫。乾隆二十三年收穫六分二釐。二十四年收穫十五分二釐。二十五年收穫九分八



欽定皇朝西域圖志 卷三十三  
釐二十六年收穫十一分。二十七年收穫三分六釐。二十八年收穫八分五釐。二十九年收穫六分二釐。三十年收穫九分六釐。三十一年收穫八分七釐。三十二年收穫九分八釐。三十三年收穫八分四釐。三十四年收穫八分三釐。三十五年收穫六分七釐。三十六年收穫四分五釐。三十七年收穫五分六釐。三十八年收穫七分。三十九年收穫七分二釐。四十年收穫六分九釐。四十一年收穫七

分。四十二年收穫六分七釐。

漢書西域傳自敦煌西至鹽澤。往往起亭。而輪臺渠犁。皆有田卒數百人。置使者校尉領護。以給使外國者。征和中。搜粟都尉桑弘羊與丞相御史奏言。故輪臺以東。捷枝渠犁。皆故國地。廣饒水草。有溉田五千頃以上。處溫和田。美可益通溝渠。種五穀。與中國同時熟。可遣屯田卒詣故輪臺以東。置校尉三人分護。各舉圖地形。通利溝渠。務使以時益種五穀。田一歲有積穀。募



民壯健。有累重敢徙者。詣田所。就蓄積爲本業。  
益墾溉田。昭帝用桑弘羊前議。田輪臺。輪臺與  
渠犁地皆相連也。

按哈喇沙爾。北至天山一百四十餘里。南至  
海都郭勒四里。海都郭勒。源發北山下。紆曲  
南行二百五十里。當哈喇沙爾西南境。冬春  
河身廣及一里。夏秋漲發。輒三四里。引渠灌  
溉。屯墾地畝。其地爲古焉耆。漢書稱其國近  
海。水多魚。北史亦言焉耆土田良沃。穀有稻

菽粟麥。去海千餘里。有魚鹽蒲葦之饒。今自  
哈喇沙爾至漢輪臺。渠犁屯田處。約四百餘  
里。在庫車以東。所謂廣饒水草。有溉田五千  
頃以上者也。更以水經注考之。輪臺最西。卽  
所謂龜茲東川水。東南流。逕於輪臺之東者  
也。連城稍東。卽所謂敦薨水。西南流。連城別  
注。裂以爲田者也。渠犁更東。卽所謂敦薨水。  
又屈而南。逕渠犁國西。又東南流。逕渠犁城。  
漢武帝屯渠犁。卽此處也。其實地皆毗連。相



去不過幾百里。在今哈喇沙爾之西南。庫車之東南。依往跡以尋其塋隴。當必有良疇美土。蕪穢於沙磧中者。盡人力以收地利。顧可不講歟。

烏什。

屯田八千畝。乾隆三十一年置二萬畝。三十二年裁一千畝。三十三年裁四千畝。三十四年裁三千畝。三十五年裁二千畝。三十六年裁二千畝。如今額。

管屯副將都司守備千總把總各員。由陝西甘肅省調派。無定額。

屯兵四百名。乾隆三十一年設一千名。三十二年裁五十名。三十三年裁二百名。三十四年裁一百五十名。三十五年裁一百名。三十六年裁一百名。如今額。

土宜。小麥。大麥。豌豆。糜。

收穫。乾隆三十一年收穫八分六釐。三十二年收穫九分八釐。三十三年收穫九分九釐。



三十四年收穫九分二釐。三十五年收穫九分五釐。三十六年收穫九分九釐。三十七年收穫九分四釐。三十八年收穫九分三釐。三十九年收穫九分四釐。四十年收穫九分三釐。四十一年收穫九分四釐。四十二年收穫九分五釐。

按乾隆三十二年阿克蘇稻田移於烏什試種。收穫九分二釐。旋因地寒水冷。不宜稻穀。卽於三十三年仍移阿克蘇。

### 阿克蘇。

稻田一百五十畝。乾隆二十七年置。如今額管屯遊擊把總。卽駐防武職。不另派。

屯兵十五名。乾隆二十七年設。

收穫。乾隆二十七年收穫二十二分。二十八年收穫二十三分。二十九年收穫二十八分。三十年收穫二十七分九釐。三十一年收穫二十二分三釐。三十二年移烏什。見前條。三十三年收穫三十分。三十四年收穫三十五分一釐。三十



五年收穫三十五分。三十六年收穫三十分二釐。三十七年收穫三十四分三釐。三十八年收穫三十三分九釐。三十九年收穫三十分五分二釐。四十年收穫三十一分八釐。四十一年收穫三十七分二釐。

按阿克蘇稻田。於乾隆二十六年經辦事大臣以地當孔道。供支往還星使。及內附藩臣。有酌宜筵宴處。需用稻米。請於葉爾羌運籽同京試種。自二十七年爲始。每歲收穫盈餘。運交

烏什糧員。配給官俸。數取足用而止。與他處講求地利博資民用者不同也。抑臣等竊見武功告成之後。卽從事設戍開屯。用以綏遠固圉。長治而久安。策莫善於此。恭讀

御製回部貢金詩序。拳拳於井牧之方。駐守屯種。取足供支。既不擾內地之一絲一粟。役中土之一丁一夫。蠲彼橫徵。登諸衽席。以視前代骨都戍已。僕僕轉餉。坐耗物力者。固不可同年語矣。而又爲之立賞罰之條。嚴勸課之則。使



荷戈擐甲之夫。轉而緣南畝者。罔不爭先踴躍。思盡地力。卽一屯政而我

皇上之知周道濟。坐照萬里之外者。蓋如此。

戶口附。

前者準夷底定。掃穴犁庭。逆者勦之。順者撫之。袤延萬里。疆宇廓清。爰爲屯兵駐守。招集回部。及甘州民戶。分地而居。而於烏魯木齊。昌吉。羅克倫。伊犁諸處。計畝耕作。蓋屯墾之丁男。卽西域之戶籍也。回部雖村城絡繹。碁布星羅。幾於

烟火相望。然闢展左右。其居民先經避患。空城內徙。全部歸誠後。於闢展。哈喇和卓。托克三。哈喇沙爾諸處。亦如準噶爾部之移民開屯。漸歸殷庶。從此天山南北。一體涵濡。休養生息。日以繁滋。計口宜什倍於此。而目前固未爲定額也。爰附屯政以徵大略。至安西州。哈密。鎮西府人。民雖舊隸戶籍。亦均備載。自嘉峪關外始。爲茲編類例云。

安西州。



二千四十一戶。二萬六千八百二十一名口。

敦煌縣。屬安西州。

二千四百五戶。二萬九千五百二十名口。

玉門縣。屬安西州。

一千四百九十八戶。一萬四千一百四十四

名口。

哈密。

回民一千九百五十戶。一萬二千一百六十

三名口。

按哈密人民由內地來此貿易無土著不備

四載。

鎮西府。舊為巴爾庫勒。

宜和縣。屬鎮西府。

六百九十七戶。二千五百九十六名口。

奇臺縣。屬鎮西府。

一千九百九十四戶。六千八百二十四名口。

迪化直隸州。舊為烏魯木齊。

三千四百九十六戶。一萬六千六百三十一



名口。

昌吉縣。

屬迪化州。

四千三百三十二戶。一萬九千七百三十四

名口。

綏來縣。

屬迪化州。

二千二百五十二戶。七千六百二十四名口。

阜康縣。

屬迪化州。

四千三百五十戶。一萬八千四百五名口。

伊犁。

舊住額魯特三千五百十六戶。同一萬一千七

百三十七名口。乾隆四十二年。全移赴塔爾

巴噶台居住。

土爾扈特一百零四戶。四百四十七名口。乾

隆四十二年。全移塔爾巴噶台居住。

土爾扈特屬下二十九鄂拓克舊戶。八百三十

八戶。三千五百七十三名口。乾隆四十二

年。全移塔爾巴噶台居住。

土爾扈特屬下喇嘛。一千零八十戶。四千八



土百五十三名口。

土爾扈特屬蒙養種地之額魯特。六千五百十

四名口。

回戶六千四百零六戶。二萬三百五十六名

口。

民戶七十一戶。二百零九名口。

遣犯爲民二百四十四名口。

按駐防滿洲蒙古錫伯索倫察哈爾諸兵。雖攜眷居住。未可與彼中戶口同論。不備登。

博羅塔拉。

土爾扈特屬蒙養種地額魯特。八百二十七名

口。

裕勒都斯。

游牧土爾扈特屬額魯特。一萬一千二百十九

名口。

和博克薩里。

游牧土爾扈特屬額魯特。二千八百六十三名

口。



欽定蒙古源流 卷三十三  
古爾班濟爾噶朗。

游牧土爾扈特屬額魯特。二千八百六十三名口。

古爾班品庫色木什克。

游牧土爾扈特屬額魯特。一千三百五十九名口。

哈布齊垓。

游牧和碩特屬額魯特。三千一百十五名口。  
塔爾巴噶台。

額魯特戶三千五百十六戶。一萬一千七百三十七名口。乾隆四十二年自伊犁移住。

土爾扈特一百零四戶。四百四十七名口。乾隆四十二年。自伊犁移住。

土爾扈特屬下二十九鄂拓克舊戶。八百三十八戶。三千五百七十三名口。乾隆四十二年自伊犁移住。

按庫爾喀喇烏蘇。除安設屯防官兵外。止有行商。無土著民戶。不備登。



漢書西域傳烏孫國戶十二萬。口六十三萬。  
烏貪訾離國。戶四十一。口二百三十一。單桓  
國。戶二十七。口百九十四。蒲類國。戶三百二  
十五。口二千三十二。蒲類後國。戶百。口千七  
十。車師後王國。戶五百九十五。口四千七百  
七十四。車師都尉國。戶四十。口三百三十三。  
車師後城長國。戶一百五十四。口九百六十。  
後漢書西域傳蒲類國。戶八百餘。口二千餘。  
移支國。居蒲類地。戶七百餘。口三千餘。車師後

王居務塗谷。領戶四千餘。口萬五千餘。戊校尉  
閼詳更立阿羅多爲王。將卑君還敦煌。以後部  
人三百帳。別屬役之。食其稅帳者。猶中國之戶  
數也。

北史西域傳悅般國。住龜茲北。衆可二十餘萬。  
唐書突厥傳有執舍地處木昆婆鼻三種者。舉  
所部數千帳。與賀魯皆內屬。突騎施烏質勒。西  
突厥別部也。自賀魯破滅。二部可汗皆先入侍。  
烏質勒能撫下。諸胡順附。帳落寔盛。突厥施別



種車鼻施啜蘇祿者。哀拾餘衆至二十萬。於是復雄西域。及其破滅。有特厖勒。居焉耆城。餘部保金莎。領衆至二十萬。沙陀傳貞元中。沙陀部七千帳。附吐蕃。元和三年。悉衆三萬落。款靈州塞。回鶻傳那頡啜收赤心衆七千帳。東走振武大同。貞觀二年。西突厥乙失鉢孫曰夷男。率部帳七萬。附頡利可汗。地理志北庭大都護府。戶二千二百二十六。口九千九百六十四。

按準噶爾爲漢烏孫全境。悅般居龜茲國北。

伊犁河環抱之間。擁衆稱雄。戶口甲於他國。尋以準噶爾作孽之故。強食弱。衆凌寡。幾於地廣人稀。伏讀

御製後勒銘伊犁碑文。憫彼淪亡。期於休息。痼瘵保抱。反覆勤拳。由是佃田宅宅。起凋瘵而康阜之。生養繁息。蒸蒸日上。可握竿而知。漢之蒲類前後國。唐之北庭。地擅膏腴。爲今廸化州屬。一帶屯種之區。是以境非遼遠。而戶口則視小國爲加多。至於車師後國。都尉國。後城



長國。烏貪訾離國。單桓國。雖與車師前國相屬。而地居山北。在烏魯木齊東境。博克達山之陰。是亦今之準噶爾部地。爲類見於此以備考。

闢展。

回民二千九百三十七戶。一萬三百七十三名口。

按闢展諸城內地行商各戶。非土著。不備登哈喇沙爾。

葉回民一千一百三十戶。五千三百九十名口。庫車。

回民一千一百十二戶。四千二百六十名口。沙雅爾。

回民六百七十三戶。一千八百九十八名口。賽喇木。

回民五百戶。一千六百二十七名口。拜。

回民五百六十三戶。一千七百三十五名口。



阿克蘇。

回民七千五百六戶。二萬四千六百七名口。

烏什。

回民八百二十二戶。三千一百五十八名口。

喀什噶爾。

回民一萬四千五十六戶。六萬六千四百十

車。三名口。

葉爾羌。

和闐。

回民一萬五千五百七十四戶。八萬五千四百九十五名口。

回民一萬三千六百四十二戶。十四萬四千六百三十三名口。

漢書西域傳鄯善國。戶千五百七十。口萬四千

一百。且末國。戶二百三十。口千六百一十。

小宛國。戶百五十。口千五百。精絕國。戶四百

八十。口三千三百六十。戎盧國。戶二百四十。



口千六百一十。扞彌國。戶三千三百四十。口二萬四千。渠勒國。戶三百一十。口二千一百七十。於闐國。戶三千三百。口萬九千三百。皮山國。戶五百。口三千五百。西夜國。戶三百五十。口四千。蒲犁國。戶六百五十。口五千。依耐國。戶一百二十五。口六百七十。無雷國。戶千。口七千。難兜國。戶五千。口三萬一千。莎車國。戶二千三百三十九。口萬六千三百七十三。疏勒國。戶千五百一十。口八千六百四十。

七。尉頭國。戶三百。口二千三百。姑墨國。戶三千五百。口二萬四千五百。溫宿國。戶二千二百。口八千四百。龜茲國。戶六千九百七十。口八萬一千三百一十七。烏壘。戶百一十。口千二百。渠犁城。戶百三十。口千四百八十。尉犁國。戶千二百。口九千六百。危須國。戶七百。口四千九百。焉耆國。戶四千。口三萬二千一百。卑陸國。戶二百二十七。口千三百八十七。卑陸後國。戶四百六十二。口千一百三十。



七。郁立師國。戶百九十。口千四百四十五。  
西且彌國。戶三百三十二。口千九百二十六。  
東且彌國。戶一百九十一。口千九百四十八。  
劫國。戶九十九。口五百。狐胡國。戶五十五。口  
二百六十四。山國。戶四百五十。口五千。車  
師前國。戶七百。口六千五十。  
後漢書西域傳。於賓國。領戶三萬二千。口八萬  
三千。西夜國。戶二千五百。口萬餘。子合國  
領戶三百五十。口四千。德若國。領戶百餘。口

六百七十。疏勒國。領戶二萬一千。焉耆國。

戶萬五千。口五萬二千。東且彌國。戶三千餘。

聖障口五千。車師前國王。居交河城。領戶千五百餘。

口四千餘。

唐書西域傳。貞觀十四年。侯君集伐高昌。分兵

略定。凡三州五縣二十二城。戶八千。口三萬地

理志。西州交河郡。戶萬九千一十六。口四萬九

千四百七十六。

按回部人民。城郭宮室。其與山北畜牧寇鈔



往來遷徙無常者。爲俗較殊。自逆酋竄獲以後。所部名城。投戈獻款。版齒滋豐。較之漢唐史傳所紀。直倍蓰過之。而樂利之庥。臻乎富庶。由是而

恩從風翔。德與澤沛。戶籍日見其繁昌。仁義彌深其漸被。以古不羈縻之地。而爲

聖朝向化之區。何其盛哉。

欽定皇輿西域圖志卷之三十三

欽定皇輿西域圖志卷之三十四目錄

貢賦

安西州

玉門縣

敦煌縣

哈密

鎮西府

宜禾縣

奇臺縣



迪化州

昌吉縣

綏來縣

阜康縣

庫爾喀喇烏蘇

塔爾巴噶台

伊犁

闢展

哈喇沙爾

庫車

沙雅爾

烏什

阿克蘇

賽喇木

拜

喀什噶爾

葉爾羌

和闐



欽定皇輿西域圖志卷之三十四

貢賦

臣等謹按禹貢一書。首載中邦成賦。而九牧貢金。鑄鼎。島夷皮卉。兼納。至於西戎。卽敘。則旣賦其璆琳熊羆之屬。復以織皮爲貢。初非長駕遠馭。好勤遠物之謂。蓋將以聯中外之勢。通遐邇之情。示王者一統無外。意至深遠也。迨武王通道西旅。貢獒作書。必以四夷咸賓。歸美於明王。慎德。周公相成王。定九畿之貢。在三千里外者。



謂之要服。貢其貨物。在九州外者。謂之藩國。各以所貴寶爲贄。地則領於大司馬。貢則輸於大行人。而又有懷方氏。掌來遠方之民。致方貢遠物而送逆之。其制益詳。而厥田厥賦。要不得與三壤之則同論。若漢武初通西域。偶得天馬。作歌告廟。論史者往往侈泰貽譏。其後歷代史牒所書。備列外藩貢獻。然其來也無常期。其使也無常員。其物也無常品。義取羈縻弗絕而已。未聞行井牧之法。爾宅爾田。以疆理戎索。豈非力不足以制之。德不足以容之乎。

國家販章之厚。遠越隆古。頃者準夷內訌。回會濟惡。我

皇上推取亂侮亡之義。天罰隳行。罪人斯得。俘其酋帥。拔彼名城。洎乎徂維求定。弓矢載橐。卽環顙元戎。輸租請吏。惟恐尺土不隸職方。一夫不登齒版。一絲一粟。不入內府。卽自外於生成覆載者。

聖天子猶重軫瘡痍。蘇其困憊。酌盈劑虛。取足供軍



屯之費而止。視向者役屬厄魯特時。悉索敝賦。不啻挈陷穽而登衽席矣。屬八紘於局闕。撫異類如赤子。周官九畿之制。實未足以賅之。又何有於漢唐以下哉。爰舉新疆貢賦諸額著於篇。西域舊俗。強弱相役。歷代以來。征輸久爲成例。採撫往籍。用資旁攬。因彙列焉。志貢賦第十一。

欽定皇輿西域圖志卷之三十四

貢賦

安西州

糧賦

額徵糧四千五百九十二石九斗七升二合五勺。本色小草四萬二千一百十八束七分四釐。草折糧二千二十四石七斗。

田九萬九千七百九畝三分六釐二毫。每畝科徵四升一合八勺七抄六撮。又加耗糧每



畝四合一勺八抄七撮六圭。內科徵本草地三萬二千二百十九畝三分六釐二毫。每畝徵小草一束三分七釐二絲四忽九微七塵四渺三漠。科徵草折糧地六萬七千四百九十畝。每畝折徵糧三升。

租稅

田房契稅。儘徵儘解。無定額。餘稅無。州屬玉門、敦煌縣同。

糧賦

額徵糧二千三百七石四斗五升九合三勺八撮五圭。本色大草一萬七千一百八十四束五分四釐。草折糧四百八十六石。

田五萬九千二畝九分。每畝科徵四升六合八勺七抄六撮。又加耗糧每畝四合一勺八抄七撮六圭。內科徵本色草地三萬三千八百九十二畝九分。每畝徵大草五分八釐三絲七忽四微六纖四塵。科徵草折糧一萬六



千二百畝。每畝折徵糧三升。

敦煌縣

糧賦

額徵糧五千五百五十五石二斗七升一勺六抄。本色大草六萬一千三百九束八分八釐一毫五絲八忽四微。

田十二萬六百畝。每畝科徵四升一合八勺七抄六撮。又加耗糧每畝四合一勺八抄七撮六圭。每畝科徵大草五分八毫三絲七忽。

四微六纖四塵。

哈密

土貢

鷹五架。羊角弓面十副。綽塔爾布四疋。及乾瓜小刀礪石之屬。

按哈密除屯田地畝外。俱係回人耕種。無交納糧賦。至菜園房租。亦以商民租賃回人地基。並無稅入。其牲畜房產契稅。因無土著民戶。未設市集。故徵收均未及云。



鎮西府

宜禾縣

附郭

糧賦

額徵糧二千三百二十七石二斗一升五合九勺八抄六撮五圭。草折糧一千五百十五石六斗五升四合。

田五萬五百二十一畝八分。每畝科徵四升一合八勺七抄六撮。又加耗糧每畝四合一勺八抄七撮六圭。科徵草折糧每畝三升。乾

隆三十一年。以招募安插民戶。墾種地畝。墾科四千五百八十八畝五分。後遞年增墾。至三十九年如今額。

租稅

房地牲畜稅。每價銀一兩。額徵銀三分。儘收儘解。無定額。  
民蓋鋪房。每間每月額徵銀一錢。儘收儘解。無定額。

官蓋鋪房。每間每月額徵銀一兩二錢。次一兩。



金定皇朝四庫全書  
卷三十四  
儘徵儘解。無定額。

奇臺縣

糧賦

額徵糧三千三百八十五石四斗四升四合二勺八抄二撮。草折糧二千二百四石八斗五升。

田七萬三千四百九十五畝。每畝科徵四升一合八勺七抄六撮。又加耗糧每畝四合一勺八抄七撮六圭。科徵草折糧每畝三升。乾

隆三十七年。以招募安插民戶墾種地畝陞科六千畝。後遞年增墾。並木壘。奇臺等處屯田遺地。歸民墾種。至四十年如今額。

租稅

房地牲畜稅。每價銀一兩。額徵銀三分。儘徵儘解。無定額。

迪化州

糧賦

額徵糧三千八百七十一石八斗八勺。



田四萬二百十六畝。每畝科徵細糧米麩八升。折徵小麥九升六合三勺。乾隆三十二年以招募安插民戶墾種地畝陞科六千六百八十六畝。後遞年增墾。至四十年如今額。按廸化州居山北。候較寒。不宜粟穀。故草束無徵。而細糧亦小麥折收云。

租稅

州屬昌吉綏來。阜康三縣並同。

房地牲畜。每價銀一兩。額徵銀三分。儘徵儘解。無定額。

民蓋鋪房。每間每月額徵銀三錢。次二錢。又次一錢。儘徵儘解。無定額。

官蓋鋪房。每間每月額徵銀一兩六錢。次一兩五錢。又次一兩四錢。儘徵儘解。無定額。

商民認墾菜園地。每畝每年額徵銀一錢。儘徵儘解。無定額。

土貢

野鷄。

昌吉縣



糧賦

額徵糧六千六石二斗三升一合

田六萬二千三百七十畝。每畝科徵細糧米  
麪八升。折徵小麥九升六合三勺。乾隆三十  
二年。以招募安插民戶墾種地畝。陞科六千  
三百四十四畝。後遞年增墾。至四十年如今  
額。

額徵蘆草溝。

昌吉縣屬。

糧一千六百七十二石七斗

三升一合。

綏來縣

糧賦

額徵糧七百四石九斗一升六合。

田七千三百二十畝。每畝科徵細糧米麪八  
升。折徵小麥九升六合三勺。乾隆三十八年。



以安插民戶墾種地畝陞科三千九百六十畝。後遞年增墾。至四十年如今額。

阜康縣

糧賦

額糧三千八百五十二石五斗九升七合二勺。田三萬九千九百四十四畝。每畝科徵細糧米麩八升。折徵小麥九升六合三勺。乾隆三十四年。以招募安插民戶墾種地畝陞科三千六十六畝。後遞年增墾。至四十年如今額。

庫爾喀喇烏蘇

租稅

民蓋鋪房。每間每月額徵銀一錢。自乾隆三十年始。儘徵儘解。無定額。

商民認墾菜園地。每畝每年額徵銀一錢。自乾隆三十一年始。儘徵儘解。無定額。

土貢

野雞。

塔爾巴噶台



租稅

民蓋鋪房。每間每月額徵銀七錢。自乾隆三十一年始。儘徵儘解。無定額。

地基。每段每月額徵銀二錢。自乾隆三十一年始。儘徵儘解。無定額。

商民認墾菜園地。每畝每年額徵銀一錢。自乾隆三十一年始。儘徵儘解。無定額。

按庫爾喀喇烏蘇境。專設屯田。無他賦稅。非商賈湊集之區也。若塔爾巴噶台。當準部北

境。與外藩接。內地人民。鮮至其地。故有屯兵而無民賦。與庫爾喀喇烏蘇同。

伊犁

糧賦

額徵糧三百五十一石二斗八升。

田四千三百九十一畝。每畝科徵細糧八升。係安插民戶承種。自乾隆三十三年始遞年增墾。至三十九年如今額。

額徵回戶糧九萬六千石。



同人墾種地畝。計戶納糧。自乾隆二十五年始。每戶每年徵糧十六石。

額徵賦一百六兩五錢。

田二千一百三十畝。每畝額徵銀五分。係入籍民戶承種。官借牛隻籽種口糧。自開墾之次年。分作三年。每畝帶徵借項銀五分。還款後。每畝止徵額銀五分。自乾隆三十七年始。遞年增墾。至三十九年如今額。

租稅。

房地牲畜。每價銀一兩。額徵銀三分。儘徵儘解。無定額。牙儈二十三名。每名每年額徵銀六錢。儘徵儘解。無定額。

官蓋鋪房。每間每月額徵銀一兩。儘徵儘解。無定額。

民蓋鋪房。每間每月額徵銀三錢。次二錢。又次一錢。儘徵儘解。無定額。

地基。每段每月額徵銀二錢。儘徵儘解。無定額。民蓋住房。每間每月額徵銀五錢。儘徵儘解。無



欽定皇朝通志卷三十四  
定額。

商民認墾菜園。每畝每年額徵銀一錢。儘徵儘解。無定額。

商民認墾禾地。每畝每年額徵銀五分。儘徵儘解。無定額。

土貢

哈薩克馬。黑獺皮。野雞。鹿尾。

按準噶爾舊俗。逐水草。事畜牧。不以耕種爲業。是以舊無田賦。其劫服回部。因徵稅入。則

回部有田而準部賦之耳。在漢如匈奴之置僮僕都尉。使領西域賦稅諸國。在唐如統葉護之霸西域。命吐屯以督賦入。由來已久。邇者南北兩部。咸歸疆索。我

皇上於生成一體之中。立因地制宜之法。始則移回部之人民。理準疆之騰畎。嗣是農功日闢。賦役有經。不惟山南習耒耜之勤。卽山北亦有口分之業。不數年來。蔚成都會。地不愛寶。尊親之慕無窮。諸福之物畢至。樂樂利利。垂萬



卷三十四  
億年矣。

闢展

糧賦

額徵糧三千四百二十三石二斗。

本屬舊設屯田地三萬四千二百三十二畝。乾隆二十六七年。裁歸回部郡王額敏和卓公蘇賚滿所屬回戶承種。每歲每畝。額徵十分之一。現無增減。

租稅。

商民認墾附郭菜園地。每畝每年額徵銀三錢五分。儘徵儘解。無定額。  
商民認墾遠郊菜園地。每畝每年額徵銀一錢。儘徵儘解。無定額。

土貢

糧三千石。

初土爾番回部郡王額敏和卓貢糧四千石。恩賞布五疋。茶五封。乾隆二十七年。奉旨恩免交糧一千石。其布疋茶封。從駐劄大臣之請。



停止賞給。

葡萄二百四十觔。及瓜乾。紬布。手巾。佩刀。諸物。其附近羅布淖爾回戶。歲貢水獺皮。

哈喇沙爾

糧賦

額徵糧九百八十二石。

哈喇沙爾所屬庫隴勒布古爾回戶。每戶承種地二十六畝九分零。額交糧一石六斗一升三合。共額糧各七百石。乾隆二十八年。以

回戶撥赴伊犁。減存五百六十石。四十年以折交紅銅。減存糧四百九十一石。共九百八十二石。如今額。

雜賦

車額徵紅銅九百五觔。

初定庫隴勒二百三十五斤。布古爾四百七十觔。乾隆四十年。各增一百斤。如今額。六合額徵硝四百二十八觔。

租稅



民蓋鋪房。每間每月額徵銀三錢。儘徵儘解。無定額。

商民認墾菜園地。每畝每年額徵銀一錢六分。儘徵儘解。無定額。

庫車

糧賦

額徵糧二千三百五十五石八斗。

原墾民田九百六十石籽種地畝。徵歲八十分之一。定額九百六十石。舊存官地。於八版

圖後。一體歸民墾種者二百五十石籽種地畝。徵歲八十分之五。定額一千二百五十石。共二千二百一十石。嗣以回人成丁。及派撥種地採銅。遞年增減。至乾隆四十一年如今額。

雜賦

額徵紅銅七百二十九觔十兩。

初。乾隆二十六年徵八百十五觔。二十七年按照各城回戶勻派。共七百二十九觔十兩。



現無增減。

額徵火藥六百觔。

初乾隆二十四年徵火藥八百觔。四十年減二百觔。如今額。

額徵硫磺四百觔。

初乾隆二十八年徵二百觔。三十一年增一百觔。四十年增一百觔。如今額。

額徵硝二百觔。

初乾隆三十一年徵一百觔。四十年增一百

額。如今額。

租稅

民蓋鋪房。每間每月額徵銀二錢。次一錢。儘徵儘解。無定額。

沙雅爾

糧賦

額徵糧八百七十二石六斗。

原墾民田五百六十五石籽種地畝。徵歲入十分之一。定額五百六十五石。舊存官地。於



入版圖後一體歸民墾種者七十五石籽種地畝徵歲八十分之五定額三百七十五石共九百四十石嗣以回人成丁及派撥種地採銅遞年增減至三十六年如今額

雜賦

額徵紅銅三百五十八觔十兩五錢

初乾隆二十六年徵三百五十觔二十七年

按戶勻派實徵三百五十八觔十兩五錢

額徵火藥三百觔

初乾隆二十四年徵四百觔四十年減一百觔如今額

額徵硫磺一百觔

初乾隆三十一年徵五十觔四十年增五十觔如今額

額徵硝一百觔

初乾隆三十一年徵五十觔四十年增五十觔如今額

租稅



民蓋鋪房。每間每月額徵銀二錢。次一錢。儘徵儘解。無定額。

烏什

糧賦

額徵糧二千一十石。

原墾民田八萬四千畝。徵歲八十分之一。定額二千二百五十石。舊存官地。於八版圖後。一體歸民墾種者。徵歲八十分之五。定額一百九十二石。共二千四百四十二石。嗣於乾

隆三十年。回民不靖。勦平後。於賽喇木。拜喀什。噶爾諸處。遷移回戶墾種地畝。分別抽交糧石。三十四年。按戶勻徵三石。至三十五年。如今額。

按乾隆二十六年。初徵紅銅三千一百九十觔。二十七年。徵五千五百七十一觔。至三十一年。遷來賽喇木。喀什噶爾諸城回戶。止代阿克蘇交銅二百五十觔。餘無徵額。又初徵硝一百觔。後遞增至一千一百觔。三十一年



後額除。

租稅

民蓋鋪房。每間每月額徵銀一錢。次徵銀五分。儘徵儘解。無定額。

商民認墾菜園地。每畝每年額徵銀二錢。儘徵儘解。無定額。

商稅

凡外番商人在烏什貿易者。三十分抽一。其緞布皮張。則二十分抽一。本地商人往外番

各部貿易者。二十分抽一。其緞布皮張。則十分抽一。若牲畜貨物不及抽分之數。馬一匹抽收五十普爾。大牛一頭。則二十五普爾。小牛一頭半之。大羊一牽。抽收十二普爾。小羊一牽亦半之。雜項物件視其值之貴賤。折收騰格普爾。遇有應貢物件。卽以充貢。

阿克蘇



糧賦

額徵糧三千九百四十五石二斗四升二合一勺。

乾隆二十四年。原墾民田一萬四千二百餘石籽種地畝。原額糧六千七百五十石。舊存官地三百四十四畝。一併歸民墾種。徵歲入五分之一。遞年增減。至三十五年如今額。額賦普爾一千六百四十二騰格有奇。

按百普爾爲一騰格。後凡以騰格計者倣此。

乾隆三十一年。於額糧內折收。現無增減。

額徵布五百六十八疋。

乾隆三十二年。如額糧內折收。三十五年增如今額。

雜賦

額徵紅銅四千六百六十七觔。

乾隆二十五年徵七百觔。二十六年徵四千二百五十觔。二十七年徵八千五百觔。二十八年按戶勻徵。共四千六百六十七觔。如今



額。

額徵硫磺四千二百觔。

乾隆二十五年徵三百觔。二十七年增三百觔。三十年增三百觔。三十二年以應交硝觔改徵硫磺二百觔。三十三年以應增硝觔全改徵硫磺三千一百觔。共如今額。

按阿克蘇於乾隆二十五年後。歲徵硝七百觔。至三十三年遞增至三千一百觔。全數折交硫磺。額除。

額徵鉛三百觔。

乾隆二十五年徵三百觔。現無增減。

租稅。

民蓋鋪房。每間每月。額徵銀一錢。住房每間每月。額徵銀五分。儘徵儘解。無定額。

商稅。每一兩額徵銀三分。儘徵儘解。無定額。

土貢。

梨二百。

賽喇木。



糧賦。

額徵糧七百八十二石二斗二升八合一勺。

乾隆二十四年。原墾民田九百七十五石籽種地畝。徵歲八十分之一。定額九百七十五石。遞年增減。至三十一年如今額。

額賦普爾一百三十四騰格九十四文。

乾隆三十四年於額糧內折收。如今額。

雜賦。

額徵紅銅三百八十三觔八兩五錢。

乾隆二十六年徵三百五十觔。二十七年徵七百觔。二十八年按戶勻徵。共三百八十三觔八兩五錢。如今額。

租稅。

民蓋鋪房。每間每月額徵銀一錢。住房每間每月額徵銀五分。儘徵儘解。無定額。

拜

糧賦。

額徵糧三百六十四石二斗一升四合三勺。



乾隆二十四年。原墾民田九十七石五斗籽種地畝。徵歲八十分之一。定額九十七石五斗。遞年增減。至三十一年如今額。

額賦普爾一百三十騰格四十文。

乾隆三十一年於額糧內折收。現無增減。

雜賦。

額徵紅銅三百七十觔十兩。

乾隆二十六年徵三百四十觔。二十七年徵六百八十觔。二十八年按戶勻徵。共三百七

十觔十兩。如今額。

租稅。

民蓋鋪房。每間每月額徵銀一錢。住房每間每月額徵銀五分。儘徵儘解。無定額。

喀什噶爾

糧賦。

額徵糧二萬五千一百九十三石五升三合一勺。

乾隆二十四年。原墾民田二萬一千二百石



籽種地畝。徵歲八十分之一。定額二萬一千二百石。舊存官地。於入版圖後。一體歸民墾種者。八百一石四斗有奇。籽種地畝。內兼一易地畝。計徵歲八十分之五。定額三千九百九十三石五升三合一勺。共二萬五千一百九十三石五升三合一勺。如今額。

額賦二萬六千騰格。

乾隆二十四年。以五十普爾爲一騰格。二十六年。錢價平。以百普爾爲一騰格。實計二百

六十萬普爾。合爲二萬六千騰格。現無增減。雜賦。

額徵紅花三千六百五十觔。

乾隆二十五年。徵三千六百五十觔。現無增減。

額徵棉花一萬四千六百三十觔。

乾隆二十五年。徵一萬四千六百三十觔。現無增減。

額徵葡萄八百觔。收折普爾錢八十騰格。



租稅。

民蓋鋪房。每間每月額徵銀三錢。次二錢。又次一錢。儘徵儘解。無定額。

商稅牲畜貨物。按本處回民貿易。及外部來此貿易者。分別抽收。詳見烏什條。

土貢。

黃金十兩。痕都斯坦金絲緞二疋。葡萄二百觔。葉爾羌。

糧賦。

額徵糧二萬一千三百七十一石七升。

乾隆二十六年。原墾民田除鹹沙高阜不能耕作外。實計可耕一萬四千九百七十七石一斗。籽種地畝。定額一萬四千九百七十石一斗。舊存官地。於入版圖後。一體歸民墾種者。除鹹沙地畝。不能耕作外。實計可耕一千二百八十三石六斗六升。籽種地畝。徵歲入十分之五。定額六千四百十八石三斗。共二萬一千三百八十八石四斗。遞年增減。至三



十八年如今額。

額賦普爾二萬五千一百五十騰格。

乾隆二十四年。徵二萬四千騰格。二十六年以百普爾爲一騰格。計四百八十萬普爾爲四萬八千騰格。遞年增減。至三十年以二百普爾爲一騰格。計得二萬五千一百五十騰格。如今額。

雜賦。

額徵菓園普爾錢一百騰格。

額徵水磨麪九十二石七斗五升。折收普爾錢十二騰格。

額徵葡萄八百觔。折收普爾錢八十騰格。

租稅。

民蓋鋪房。每間每月。額徵銀三錢。次二錢。又次一錢。儘徵儘解。無定額。

商稅牲畜貨物。按本處回民貿易。及外部來此貿易者。分別抽收。詳見烏什條。

土貢。



黃金四十兩。葡萄二百觔。及石榴蘋果木瓜。石榴膏。蘋果膏。梨膏等。又葉爾羌所屬赫色勒郭勒回民歲

貢黃金二十七兩七錢。

御製葉爾羌驛貢石榴蘋果木瓜三種詩以紀事

庚辰

大宛天馬早歌徠果品惟三致自回張協金牙斯漏賦詳荊蒟醫此殊開詎曾燕趙移根往且共瓊瑤包貢來順德何須却食物兢兢敢詡版章恢

御製回部貢金至命爲麟趾裏蹠以紀其事

庚辰

諸回城旣悉內屬戎索益閔念非經以井牧則別部偏處久或強食患滋然屯開戍集而官司糈廩因之若前代骨都戍已僕僕轉餉坐耗腹地物力者朕豈爲之哉去歲將軍兆惠等以回民環顧定賦請加鑄天朝年號通寶於見行騰格錢以資輸納朕命檢校將來大臣官兵駐防歲給所需取足供支而止其視曩者噶爾丹策凌責入諸回部故額蓋已減十之五六矣今歲騰格已供彼處諸屯戍之用而貢金適至乃付冶工鑄麟趾裏蹠以誌



緣起並系以詩昔漢武幸回中下詔言封岱時見  
西域金氣之祥因鑄黃金爲麟趾裏蹠其詳已不  
可考說者謂瑞麟五趾其形當如餅而五出若裏  
蹠正深圓則後世沿而范之者固衆無足深論然  
洼池玉河朕且不以得地爲寶豈珍此纍纍鏐  
而匱之以示方來者良以固圉繕邊初不役費中  
土民生爲至計否則禹貢三品屬之水衡可耳又  
何長言紬繹之爲

肉好頒型騰格錢儲胥恰供戍新邊或殊疲弊中國  
耳並聽輸將三品焉西域早稱氣相感泰山虛詫瑞  
曾駢政平遠服吾何有紀實聊因麟裏傳

按西域底平後一切善後事宜仰蒙

睿裁指訓如籌耕牧定徭賦鑄緡錢制度維新永垂  
法守至回部舊屬準噶爾時每歲貢入無藝  
之征均予罷免

皇上眷念遺黎

渥恩淪浹鼓舞載塗宜殊俗之傾心効輸將而恐後  
是以貢果貢金頻聞驛致當與禹貢銀鏤橘



柚同觀而卽事攄

懷。動關中外民閭生聚幹年之至計。抑又非前代斤斤貴異物以侈遠畧者。所可比倫萬一已。

和闐。

糧賦。

額徵糧一萬三千九百三十四石八斗。

乾隆二十四年。原墾民田。除沙磧地段不能耕作外。實可耕五萬四千一百三十九石籽種地畝。徵歲八十分之一。定額一萬六百石。

舊存官地。於入版圖後。一體歸民墾種者。除沙磧地段不能耕作外。實可耕一萬三千六百十二石有奇籽種地畝。徵歲八十分之五。定額二千一百八十三石六斗。共一萬二千七百八十三石六斗。遞年增減。至三十二年如今額。

額賦普爾八千一百十二騰格五十文。

乾隆二十四年定額後。遞有增減。至三十二年。仍如原額。



按和闐境處邊陲。舊無商賈雜稅。故未定額徵收。

土貢。

黃金八十兩

和闐所屬之玉隴哈什。哈拉哈什。兩河產玉。

駐劄大臣採取。量其所得進

貢。無定額。

〔漢書西域傳〕匈奴西邊日逐王。置僮僕都尉。使領西域。長居焉耆。危須。尉犁間。賦稅諸國。取富

給焉。其後日逐王將衆來降。僮僕都尉由此罷。

〔後漢書西域傳〕王莽貶易侯王。西域復叛。屬匈奴。匈奴歛稅重刻。諸國不堪命。莎車王賢自稱大都護。移書諸國。悉服屬焉。重求賦稅。諸國愁懼。以大宛貢稅減少。自將諸國兵攻之。

〔隋書西域傳〕鐵勒恒遣重臣在高昌國。有商胡往來者則稅之。

〔唐書突厥傳〕統葉護霸西域。諸國悉授以頡利發。而命一吐屯兼統。以督賦入。〔回鶻傳〕回鶻臣



於突厥。突厥資其財力。雄北荒。處羅可汗。攻脅鐵勒部。哀責其才。

此西域之納賦於所臣服者

〔北史西域傳〕高昌賦稅則計田輸銀錢。無者輸麻布。龜茲賦稅准地徵租。無田者則稅銀。置女市。收男子鐵以入官。

〔唐書西域傳〕黠戛斯。歲納貂鼠青鼠爲賦。

〔文獻通考〕突厥科稅雜畜。刻木爲數。并一鏃箭。蠟封印之。以爲信契。

〔明史西域傳〕哈里。舊作哈烈。今改正。市易皆征稅十二

此西域本圖之賦稅。

〔北史西域傳〕魏太武討平鄯善。賦役其人。比於郡縣。

〔唐書回鶻傳〕貢方物。歲納貂皮爲賦。〔西域傳〕贊開元盛時。稅西域商胡。以供四鎮。出北道者。納賦輪臺。

〔元史地理志〕唐羈縻州。今皆賦役之。比於內地。此西域之納賦於中國者。



後漢書西域傳和帝三年班超定西域五十餘國悉納質內屬于闐順帝永建六年遣侍子詣闕貢獻疏勒順帝陽嘉二年獻師子光武時車師前王鄯善焉耆等十八國皆獻其珍寶

北史西域傳于闐獻珠象白玉黑貂裘名馬鹽枕等

隋書西域傳大業中高昌康國石國焉耆龜茲疏勒于闐俱貢方物

唐書西域傳骨利幹大會俟斤因使者獻馬帝

取其異者號十驥皆爲美名曰騰霜白曰皎雪驄曰凝霜驄曰懸光驄曰決波駒曰飛霜驃曰發電赤曰流金馱曰翔麟紫曰奔紅赤

杜環經行記切國唐武德二年貢玻璃四百九十枚大者如棗小者如酸棗

宋史外國傳建隆二年于闐國王聖天遣使貢圭一以玉爲柙玉枕一本國摩尼貢玻璃瓶二胡錦一段開寶二年遣使直末山來貢且言本國有玉一塊凡二百三十七斤願以上進乞取



之僧善名至貢阿魏子。因令還取玉。

〔文獻通考〕高昌宋乾德三年獻佛牙琉璃器琥珀琰于闐。梁武帝時獻方物及琉璃鬘刻玉佛。唐開元時獻馬駝狔。漢乾祐元年遣使貢珪一以玉爲柙。天聖三年遣使貢玉鞍轡白玉帶胡錦獨峯駝乳香硃砂。熙寧以來遠不踰一二歲近則歲再至。所貢珠玉珊瑚翡翠象牙乳香木香琥珀花蓋布硃砂龍鹽胡錦玉鞦轡馬膾膈臍金星石水銀安息香雞舌香其來益多回紇。

宋乾德二年遣使貢白玉團琥珀四十觔。犛牛尾貂鼠等。又獻佛牙玻璃器琥珀琰。

〔明史西域傳〕巴什伯里。

舊作別失八里今改正。

洪武中貢

馬及海青永樂中貢玉璞名馬及文豹于闐永樂中獻璞玉及馬。

此西域之貢方物於中國者。

按西域貢賦之制當以周書西旅底貢厥獒始自時厥後黑齒貢白鹿白馬義渠以茲白渠搜以鼯犬規矩以麟西申以鳳鳥方楊以



皇馬。康民以桴苡。獨鹿以叩叩距虛。禺氏以  
駒駼。大夏以茲白牛。犬戎以文馬。正西崑崙。  
狗國以丹青白旄。紕罽。江厯角神龜爲獻。載  
之周書。王會解者甚詳。惟方隅里數不著。與  
今準回諸部離合之間。難以印證。而文與禮  
經未協。不免徒事鋪張。茲舉漢唐以後。與今  
西域可確指者。隨地採錄。用資審訂。特其地  
於當時未入版圖。卽矯語輸將。難云歲入。此  
惟

聖朝恢絕域爲疆理。所以度越千古也。至若史書所  
載。遣使求得請婚納幣。與夫陽托貢獻之名。  
陰行互市之計者。更無足道。故均置勿錄云。



欽定皇輿西域圖志卷之三十四

欽定皇輿西域圖志卷之三十五目錄

錢法

制式

鑪局

名數

行使



## 欽定皇輿西域圖志卷之三十五

錢法

臣等謹案西域錢法。載諸史傳者。罽賓。安息。大秦。金銀以爲質。人馬以爲文。畧見彼地緡錢之槩。非能以中土園法。推而行之九服之外也。漢唐以來。力征經營。郵傳往來。資斧所攜。暨妻主輸繒所致。有由中國流通其地者。是以開元景德錢。迄今猶存回部。而卽於彼地依山採銅。專官督鑄。則古未前聞。宋熙寧中。削除錢禁。沿邊



金定皇朝四庫全書 卷三十三  
軍州多關出外界。每貫例收稅錢。元祐中嚴出境首從流徒編配之法。而侍郎蘇轍則議于邊境行使鐵錢。用防透漏。緣其時中外阻絕。恐以內地鼓鑄之利。舟移車轉。裒散外藩。兢兢專事隄防。規制尤爲褊隘。我

國家聲教遠訖。無中外之判。蔥山蒲海間。版圖式廓。利用宜饒。始因回部普爾之制。銷舊易新。繼藉每歲輸將額銅。兼設官丁採取。於是獻地寶於金方。飾良倕於園府。選材合冶。與內地司農

異耳。錢有兩面。漢五銖錢。及唐宋各年號錢。皆一面有字。一面無字。有字者謂之面。亦謂之文。無字者謂之漫。亦爲之幕。以其平漫而無文也。其時西域之錢。則兩面俱有文。或作人馬之形。或作王與夫人之面。視今回部錢文。又復有異。我

朝錢式。於面冠以年號。於幕舊用清漢文附省名。今回部旣入版圖。從各省之例。附彼處城名於其幕。而正面遵用



天朝年號。以彰同文之治。幕文兼用回字者。從其俗也。

爐局

葉爾羌。於乾隆二十五年設局。以軍營備帶餘銅。鑄錢五十餘萬。易回部舊錢銷燬。更鑄新錢。初議得新錢十萬騰格。卽停鑄。二十六年以舊錢查收未竣。酌增卯限。至三十二年。其平對而奏停。俟後積有舊普爾。再爲銷鑄。三十三年。續收舊錢二百六十餘騰格。加鑄一次。三十四年。於

欽定皇輿西域圖志卷之三十五

錢法

制式。官用普爾。民間用普爾。其質以紅銅爲之。制小而厚。形圓橢而首微銳。中無方孔。當策妄阿喇布坦時。面鑄其名。背附回字。噶爾丹策凌嗣立。卽易名更鑄。乾隆二十四年。西域底定。更鑄錢文。初仍舊式。後改如內地。面鑄乾隆通寶漢字。而以設局地名附於背。如鑄局在葉爾



羌者。書葉爾羌字。在阿克蘇者。書阿克蘇字。在烏什者。書烏什字。在伊犁者。書伊犁字。初鑄時。每一普爾重二錢。乾隆三十六年。更定每一普爾重一錢五分。三十九年。更定每一普爾重一錢二分。

案漢武帝時。公卿請令鑄官錢。赤仄一以當五。官用非赤仄不得行。如淳注。謂以赤銅爲其郭也。今回部錢用紅銅。卽古赤仄之意。但漢則祇以赤銅爲郭。回錢則全用赤銅爲少

所掌無異。爰稽其大小肉好之形。輕重銖兩之等。爐局安設之方。兵民積散之數。彙列於編。因以見刀貝紛羅。市廛闐溢。不問於繩行沙度之區。治理倍徵廣遠。抑臣等伏讀

御製排次回部錢文詩。示懷柔之

德意。戢干戈以省

躬。借鑒于和親互市往轍之非。殫心于鼓鑄流通新猷之遠。且仍騰格之舊名。順和通之公好。被潤澤而大豐美。固非水衡少府之常經。所得盡其



利賴也已。志錢法第十二。

烏什。阿克蘇撥銅三千斤。交葉爾羌鼓鑄。尋議停。

阿克蘇。於乾隆二十六年設局。以各城回民交納額銅。本城伯克交納貢銅。及官採銅斤開鑄。至三十年移設烏什。其阿克蘇爐局議停。一兩烏什。於乾隆三十一年設局開鑄。如阿克蘇例。伊犁。於乾隆四十年設局。由烏什解銅三千斤。又阿克蘇。喀什噶爾。哈喇沙爾等城。以餘糧折銅二千三百四十餘斤。共五千四百餘斤。開鑄。



金定皇朝四庫全書 卷三十五  
為例。

名數

回人稱錢爲雅爾瑪克。以一錢爲一普爾。普爾爲言文也。每一普爾直銀一分。初以五十普爾爲一騰格。後定以百普爾爲一騰格。直銀一兩。回語謂一曰必爾。二曰伊奇。三曰玉聚。四曰托爾托。五曰別實。六曰阿勒題。七曰葉題。八曰薩奇資。九曰托科資。十曰溫。百曰玉資。千曰明。萬曰圖瑞。回語謂溫圖瑞。蓋十萬騰格也。

按漢時銀八兩直錢一千。緣當時銀賤錢貴之故。今回部錢文。初以五十普爾爲一騰格。直銀一兩。則千錢直銀二十兩。視漢時之錢約更貴倍有半矣。入版圖後。價就平減。近以百錢直一兩。則

聖朝休養有方。泉貝流通充溢之槩。畧可想見云。行使。

葉爾羌開鑄之始。令民以舊普爾易新錢應用。舊普爾盡後。以銀易錢。自爐局移安烏什後。其



錢文由烏什。按照解撥葉爾羌銅三千斤之數。鑄就錢文。解送葉爾羌備用。

阿克蘇烏什。先後開鑄。其錢文以六分散給納銅回民。四分存官搭放兵餉。又於回民六分錢內。抽回十分之二。添備支餉之用。其貢銅及官採銅斤所鑄錢文。全支兵餉。庫車。沙雅爾。喀什噶爾。哈喇沙爾諸城。每歲專遣伯克解交額徵銅斤。詳見賦。到局。卽領回錢文。分別散給回民。搭支兵餉如例。其不徵額銅處所。亦得次第流通。

皇  
利民日用。

按準噶爾部。舊徵回部普爾。卽以回部所輸普爾錢文資用。凡台吉新立。則於錢面易名改鑄。其法先鑄新錢一萬。換易舊錢。新者以一當二。旋換旋鑄。舊錢銷盡乃已。我朝於新疆入版圖後。葉爾羌開鑄伊始。因其舊俗。以新錢一易舊普爾二。乾隆二十六年三月奉

上諭回民交納舊普爾。兌換新錢。原爲流通新錢之



金匱要略卷三十五  
地換收回民舊普爾宜視其力量辨理況交舊普爾二枚換給新錢一文以來已二三載矣諒收舊鑄新已可足用若仍如前例以一易二回民力恐難支於伊等生計無益嗣後著加恩以普爾一枚換給新錢一文庶民力可紓而普爾亦得以急於收穫著曉諭回民等咸知朕意大哉  
王言誠保民如赤中外一體之至計也和通黔庶感  
沐  
皇仁謳歌樂利之長永享園綰之澤豈不休哉至各

回城額徵紅銅鉛斤詳貢賦門茲不復載

御製命儒臣排次回部錢文及所有古銅錢因題以

句  
庚辰

天佑西師蕞大功勞徠泉府貴流通形猶騰格因其俗

寶鑄乾隆奉我同

回城既定部人以騰格輸賦將軍等請仍其舊式惟以陽面加鑄乾

隆通寶以行又驛致回中所有古錢蓋景德開元溯

古時妻主輪繒所致因命儒臣排次之  
所有和親互市鑑於中篋藏詎詡聲靈罔垂德懷柔  
慎自躬

御製駐劄葉爾羌大臣呈覽所鑄乾隆通寶至因用



排次回部錢文詩韻紀事

庚辰

昨歲元戎奏定功早籌鼓鑄市鄜通卽看大冶範鎔

就仍屬司農職掌同

將軍兆惠歸爲戶部尚書

寶是乾隆來自外

錢殊景德去由中

排次回部古錢時有景德開元諸錢彼時未能臣服其地自屬中國

攜往者

用權子母底其貢載戢干戈省厥躬

案周官太宰以九賦斂財賄。注云財。錢穀也。

又云賦。口率出泉也。漢律有口算。人出百二

十錢。然第施之丁男而已。唐定兩稅法。始以

錢爲惟正之供。宋因之。元代用鈔。惟武宗時

嘗一鑄錢。未幾卽罷。故其時課入及俸給皆

用銀。明洪武間。詔歲解稅課錢鈔。道里險遠

者。許易銀以進。正統後遂專用白金。今回部

以騰格輸稅。蓋尙沿唐宋之舊也。開元景德

古錢流傳。當唐元宗宋真宗時。以和親互市。

羈縻異域。偶自中土攜往。留貽至今。實無當

於大同之治也。若乃採精良於絕徼。仿鎔範

於中朝。旣發新型。兼排古製。我

皇上前民利用之至意。與懷柔載戢之深思。並垂千



漢書西域傳罽賓以金銀爲錢。文爲騎馬。幕爲人面。烏弋山離。錢貨之屬。與罽賓同。其錢獨文爲人頭。幕爲騎馬。安息亦以銀爲錢。文獨爲王面。幕爲夫人面。王死乃輒更鑄。後漢書西域傳大秦以金銀爲錢。銀錢十當金錢一。鄰國使到其界首者。乘驛詣王。給以金錢。唐書西域傳泥婆羅鑄銅爲錢。面文人形。背牛馬形。

文獻通考三童。常貨多用蕉越犀象作金幣。文效王之面。亦效王后之面。軒渠幣貨同三童。阿鈎羌市用錢爲貨。利得國市易用銅錢。有文漫圓徑如中國之制。但實其中心不貫穿耳。

明史西域傳巴什伯里。舊作別失八里。今改正。交易用銀。

錢大小三等。不禁私鑄。惟輸稅於酋長。用印記。無印記者禁不用。奇爾穆爾。舊作乞力麻兒。今改正。交易用鐵錢。

案西域諸國。錢幣多用金銀。間有用鐵者。惟



泥婆羅利得。則以銅爲之。但中無穿孔。猶是金銀爲錢之式。今回部錢文。卽其遺式。第不用金銀耳。至如史書所紀。大秦三童軒渠諸國。或不盡屬今之西域。而其鑄錢之法。有可稽者。爰爲附見於此。

欽定皇輿西域圖志卷之三十五



